

SCRIPTA

Numéro Scripta : 785

Auteur(s) : Nicolas Dieu-le-Garde [clerc]

Bénéficiaire(s) : Guillaume de Préaux le jeune [particulier]

Genre d'acte : charte

Authenticité : non suspect

Datation : 1281, 27 juillet

Action juridique : vente

Langue du texte : latin

Analyse

Vente, par Nicolas Dieu-le-Garde, clerc, d'une rente de cinq sous et demi, à Guillaume de Préaux le jeune

Tableau de la tradition

Éditions principales

a. Laffleur de Kermaingant Pierre, *Cartulaire de l'abbaye de Saint-Michel du Tréport (ordre de Saint-Benoît)*, Paris, Didot, 1880, n° CCXXVIII, p. 259-260.

Texte établi d'après a

Notum sit omnibus, presentibus et futuris, quod ego Nicholaus dictus Dexlewart, clericus, vendidi, concessi et penitus deserui Guillelmo dicto de Pratellis juniore, pro quadraginta solidis turonensium quos inde pre manibus habui, quinque solidatas et dimidiam annui redditus ; quem videlicet redditum Masia dicta Aleissi, et ejus heredes, michi aut heredibus meis annuatim reddere tenebantur duobus terminis, videlicet tres solidos ad festum sancti Remigii et duos solidos parisiensium ad Pascha, de quodam curtillio sito apud Ulteriorem Portum, juxta terram Lamberti dicti Canu, ex una parte et ex uno boutho, et juxta curtillum Bernardi Tuin, ex altera parte, et aboutat per ante ad vicum. Et sciendum est quod ego, predictus Nicholaus, predictam Masiam pro se et pro heredibus suis predicto Guillelmo et suis heredibus predictum redditum terminis antedictis assignavi reddituros. Hanc autem venditionem et concessionem ego, predictus Nicholaus, et heredes mei predicto Guillelmo et suis heredibus contra omnes in perpetuum garantizare tenemur, super omnia bona nostra mobilia et immobilia, presentia et futura, ubicunque poterunt inveniri. Quod autem istud sit in perpetuum firmum et stabile, ego, predictus Nicholaus, presentem cartam sigilli mei munimine roboravi, et ego, predicta Masia Aleissi, tunc temporis existens in viduitate mea et propria libertate, ad confirmationem et concessionem istius rei, presenti carte cum sigillo dicti Nicholai sigillum meum apposui. Actum anno Domini M°. CC°. octogesimo primo, mense julii, die dominica post festum beati Jacobi apostoli. Testibus hiis : Renerio Portatore, Johanne Tardieu, Andrea Lucratore et multis aliis.